

DISPUTATIO INAUGURALIS
MEDICA

De

LOQUELÆ
SYMPTOMATIBVS,

QVAM

DIVINO ASSISTENTE NUMINE


Inssu & Decreto

AMPLISSIMI, EXCELLENTISSIMI,
ET EXPERIENTISSIMI, IN CELEBERRIMA
ARGENTINENSIVM UNIVERSITATE
MEDICORVM COLLEGII,

*Pro Summis in Arte Medica Honoribus, Immunitatibus
ac Privilegiis Doctoralibus ritè conse-
quendis*

Placidæ φιλιᾶτρων Censuræ committit
ad 20. Decembr.


VITUS Riedlin / ULMANUS.



ARGENTORATI,

Typis JACOBI THILONIS:

ANNO M. DC. LII.



MAGNIFICIS, NOBILISSIMIS,
AMPLISSIMIS, & PRUDENTIS-
SIMIS,

DN. DN. DUUMVIRIS,
CONSULIBUS AC RELIQUIS,
QUI E SENATORIO SUNT ORDINE,
INCLYTÆ & IMPERIALIS REI
PUBL. ULMENSIS.

PATRIBUS PATRIÆ,
FAUTORIBUS MAXIMIS,
DOMINIS GRATIOSISSIMIS

Exercitium hoc Medicum

*In debita Observantia rexpūctio. Animæ
Grati monumentum, Suiq; ulte-
riorem Commendationem*

submitte consecrat.

V. V. A. A. & N. N.

devotissimus cliens

Vitus Riedlin.

THESIS I.

D Lacet impræsentiarum agere de Symptomatibus iis, quæ in actione Hominis nobilissimâ, Locutione videlicet, hæcenus deprehensa fuerunt.

II. Læditur verò eadem, prout pleræq; aliæ tripliciter, Vel enim aboletur, vel imminuitur, vel depravatur.

III. *Abolitio* rursus fit dupliciter, aut enim vox etiam simul perit, aut hæc superstes manet: Græcis vocatur ἀρυσία, & ἀφασία. *Imminutio* accidit, quando ægrè, tardè, difficulterque Loquela succedit. *Depravatio* maxime conspicua est in ἰσχυροφωβία, ψαλλότητι, & τραυλότητι.

IV. Ex hisce elucescit, quid sit abolita, imminutave Locutio: quid reliquæ depravata species, ex sequentibus.

V. ἰσχυροφωβία, illud dicitur Symptoma, cum quis primam vel aliam syllabam cum labore & difficultate repetere cogitur: Vel, ut alii describunt, est alteram Syllabam, alteri præproperè jungere non posse. *Alio nomine* appellatur, Lingua hæsitantia, sive titubantia, & Buttarrismus.

VI. Τραυλότης, Balbuties, cum pro litera R. pronunciatur L. aut R. imperfectè solum effertur, idque cum ictu quasi tremulo.

VII. ψαλλότης, Blæstias, quando non omnes literæ & syllabæ pronunciantur, sed quædam omittuntur.

VIII. CAUSÆ Abolitæ & Imminutæ Loquelæ sunt eadem, differunt tantum secundum magis & minus: Et hærent vel in Spiritibus, vel in partibus, quæ Locutioni inserviunt.

IX. *In Spiritibus*, quando iidem vel deficiunt, id quod in Agone, Syncope, Animi deliquiis &c. accidit. Vel, Cum In-

Fluxus illis denegatur in Organa motus, ut fit in Apoplexia, 6. aph. 51. Affectibus soporosis; Ictu, casu, lapsuve ab alto; 7. aph. 58. Ebrietate, 5. Aph. 5. Vel quando ad Interiora revocantur, id quod in terrore, subitâ consternatione, mœrore, Luctuve evenire solet.

X. *Ratione Instrumentorum.* Causæ sunt variæ: quoniam & hæc ipsa varia sunt & multiplicia: Et juxta communem Versiculum

*Instrumenta novem sunt: fauces, Lingua, palatum,
Quatuor & dentes, & duo labra simul.*

Quibustamen jure meritoque adduntur, principium nervorum, Arteria, aspera, Pulmo, Musculi Thoraciei, Nervi recurrentes, Maxilla Inferior, Buccæ.

XI. *Et primo quidem LINGUA*, tanquam ἀργαῶν διαλεκτικὸν, Loquelam impedit, quando vel proprium illius Corpus p. n. afficitur; vel cum in actione suâ, ob partium circumjacentium vitia impeditur.

XII. *Ipsius Linguae vitio* I. quando intemperanter se habet, idque vel in siccitate, vel in humiditate: Illud accidit in febribus ardentibus; hoc in ipsis puerulis. II. *Linguae tumor*, & in eam quidem magnitudinem auctus, ut lingua vix ore contineri queat, cujus Exemplum illustre extat apud Galen. lib. 14. meth. med. c. 8. III. *Linguae amputatio*, vel totalis, vel partialis; Ejusdem Vulnus, Ulcus. IV. *Ligatura Linguae*, propter illius vinculum, quod Frænum aliàs vocatur, arctius; aut longius, adeò ut ad apicem, seu extremitatem eius sese extendat. V. *Musculi ejus*, cum sunt vulnerati, ulcerati, tumefacti, intemperie siccâ, humidaque affecti, resoluti. VI. *Nervi Linguae motorij*, qui à septimo nervorum pari prodeunt, qui vel in ipso utero malè formantur, unde muti nascuntur; vel post ortum nimium humectantur, refrigerantur, obstruuntur, comprimuntur, vulnerantur.

XIII. *Lingua in motu suo impeditur* I. *Ratione Palati*, quod vel tumefactum, ulceratum, vulneratum. II. *Ratione dentium*, qui vel prorsus desunt, vel vitiosi sunt in situ. III. *Ratione buccarum*, quæ itidem vulneratæ, ulceratæ, tumidæ, vel secundum musculos

musculos resolutæ. IV. Ratione *Gingivarum*, quæ nonnunquam in prodigiosam excrescunt magnitudinem, de quibus Schenck. Obs. de Cap. 374. V. Ratione *partis quæ Lingua subjacet*, in qua Ranula, ejusdem motum impedit. VI. Ratione *Maxillæ Inferioris*, quando vel effringitur, vel luxatur.

XIV. FAUCES malis hisce Occasionem præbent, cum præcluduntur vel coarctantur, à Tumoribus & Inflammationibus tum Laryngis, tum faucium ipsarum, tum etiam Columellæ & Tonsillarum. *Arctantur* itidem à Polypo, qui quandoque ita excrescit, ut per foramina palati, ad ipsas quoque fauces descendat.

XV. NERVORUM PRINCIPIMUM, spinalis Medulla, Nervique vocales, Recurrentes appellati in causa sunt, quando vel obstruuntur, vel comprimuntur, vel vulnerantur.

XVI. LABRA verò, cum & ipsa tumefacta, resoluta, convulsione affecta, vulnerata, ulcerata, malè primitus conformata.

XVII. ARTERIA ASPERA, quæ & Canna Pulmonum, & fistula spiritalis nuncupatur, Loquelæ obest, si sit obstructa, arctata, vulnerata, intemperie humida tentata.

XVIII. PULMONES tale quid causantur, quando sunt obstructi, arctiores redditi & adstricti, quando item, inflammati, itemque compressi.

XIX. MUSCULI THORACICI actionem hanc lædunt, cum vel insigni intemperie, frigidâ cumprimis laborant; vel Apostemate aliquo magno conflictantur; vel grave vulnus, inque thoracem penetrans patiuntur; vel denique etiam Paralyssi afficiuntur.

XX. *ἰσχυροφωρίας quæ sit causa*, explicatu admodum est difficile. Acquiescimus nos in illis, quas Aristoteles sect. 11. Probl. affert, nimirum I. *Imbecillitate* Linguae & Labiorum. II. *Ligatione* Linguae, cum libera atque soluta non est. III. *Calore*. IV. *Frigore*. Quibus tamen & *vitium quoddam conformationis* addimus, quando quidem ferè semper ab ipso ortu vitium istud dependeat.

XXI. *Τραυλότης & Causas*, Gal. Comm. 6. aph. 32. sequentes recenset, I. Linguae imbecillitatem naturalem, aut etiam

Nervorum, quos Lingua accipit à cerebro. II. Ejus brevitatem, quam tamen dicit rarissimam. III. Linguae humiditatem atque mollitiem, hæc enim firmiter inniti non potest. IV. Siccitatem & ariditatem Linguae. V. Defatigationem, idque propter diuturnum & continuum sermonem.

XXII. *Αιμίτις* & *Causæ* secundum authores sunt, I. Nimi-
a in loquendo festinatio. II. Defectus Dentium. III. Labro-
rum mutilatio. IV. Palati exilio. V. Vitium aliquod Linguae,
cum vel justo longior, aut brevior, latior aut angustior, Crassior
item, & indecenter formata.

XXIII. *Quæ* verò, singulorum horum vitiorum speciales
sint causæ, quæ item externæ, facillimè ab illo perspicui poterit,
qui vel mediocriter in Pathologicis versatus fuerit.

XXIV. Transeo ad **DIAGNOSTICA**, quæ quidem
addere nihil attinet, cum satis superque vitia hæc cuivis ex su-
pra dictis innotescant. *Hoc solum notandum*, quæ ratione discer-
nenda sint, an oriantur per Idiopathiam, an verò per Sympathi-
am. Illud palàm fit, quando reliquæ functiones animales mini-
mè læduntur: hoc verò, quando illæ simul coafficiuntur.

XXV. **PROGNOSTICA**: *Nativa vitia*, quæ in ma-
gnitudine & conformatione consistunt; *Vulnera item & Ru-
pturæ Nervorum*, immedicabilia sunt.

Ab Apoplexiâ vel Caro relicta, rarò & difficulter curatur.

Ex Confirmatâ Paralyfi omnes obmutescunt.

Dum tota Lingua resolvitur, gravis impendet metus
Apoplexiæ, Gal. l. 4. de loc. aff. c. 2.

XXVI. **CURATIO** quibus perficiatur, manifestum
id fit ex Methodo medendi, nimirum causæ recensitæ omnes
sunt demendæ, Intemperies per contraria alterandæ, Mala
compositionis corrigenda, Vulnera denique & ulcera ex artis
præsripto pertractanda. *De quibus* tamen omnibus hac vice &
hoc loco agere Instituti mei ratio non patitur, illa namque o-
mnia hic describere, & nimis longum, & forsan etiam tædiosum
foret. *Agam* autem 1. de Linguae Paralyfi, quæ vitio humorum,
potissimum verò frigidorum orta. 2. De Imminutâ vel abolitâ
Loquela à casu, ictu, aut lapsu ab alto ortâ. Denique 3. de Lin-
guæ

quæ Ligaturâ , quæ easdem actiones impedire non raro solet.

XXVII. *Paralysis* quam modo nominavi, est vel ab Obstructione, vel Compressione, vel nimia humectatione & frigidityte Nervorum. *Hic ergo* indicantur duo, ut nimirum I. Humores vitiosi auferantur. II. Intemperies per contraria alteretur.

XXVIII. *Priori satis fit*, si universalibus præmissis, humores isti vacuenter vel sensibilibus per Caput purgia, Hydrotica, Errhina, sternutatoria, Gargarismos & Apophlegmatismos: Vel insensibilibus, per Discutientia & Absumentia. Revellantur item, & à parte affecta avertantur. Posteriori verò, Alterantibus Calefacientibus, & iis quidem appropriatis.

XXIX. *Universalia* consistunt in primarum viarum evacuatione, Humorum præparatione, & eorundem expurgatione. Quorum tamen præfidiorum materiam recensere nolo, cum sæpius ex hoc loco tradita fuerit, passim quoque extet apud Medicos, & in sublequentibus etiam non pauca eorum reperiantur.

XXX. *Revellant*, & humores à parte affectâ avertunt, Clysmata & suppositoria acriora. Cucurbitula cum & sine scarificatione adhibitæ, frictiones dolorificæ deorsum versus cum linteaminibus calidis factæ, Sinapismi & vesicatoria artubus applicita.

XXXI. *Materia verò Clysmatum* acriorum est ista: *Origanum*, *Calamymta*, *Ruta*, *Centaur. minus*, *Pulegium*, *Hyssopus*, *Marrub. Sem.* *Carui*, *Fœniculi*, *Anisi. Rad.* *Gentianæ*, *Aristolochiæ*, *Agaricus. Colocynthis.* decoquant, in aqua vel hydromelite: Decocto addantur *Ol. Rutæ*, *Hiera Diacolocynth.* *Benedicta* laxat. *Diaphœnicum*, *Sal Gemmæ*, *Sal vulgaris*, &c.

XXXII. *Suppositoria acriora* parantur ex Melle cocto & inspissato, additis *Pulver. Aloes*, *Agarici*, *Sal. Gemm. Hier. picr.* *Gal. Pulv. scammon. Colocynthid. Hellebori utriusque*, *Nitri*, *Sal. Ammoniac. Diagryd. Troch. Alhand. Elaterii*

XXXIII. *Quod si Vitium sanguinis fluxilis* effatu dignum quoque adfuerit, præmissis præmittendis, sanguis mittatur è vena Cephalicâ primo: Deinde è venis sub lingua, quod sæpe præsentissimum affectionis hujus fuisse remedium, *Sennertus* testatur.

XXXIV. *Caput sensibilibiter* evacuant, uti jam dictum 1. *Purgantia*, inter quæ inprimis commendantur Pilulæ, quæ cum diutius ventriculo immorentur, validius trahunt à partibus distantioribus: Sunt autem sequentes:

Pilula Cochiae, Aureæ, sine quibus, Arabicæ, de Nitro Tralliani, Arthriticæ Nicol. Fœtidæ major. Mes. de Sagapeno, de Opopan. de sarcocolla, &c.

XXXV. 2. *Errhina & Ptarmica*, quorum materia sunt sequentia. *Aq. Betonic. Majoran. Salv. Rosmar. Lavendul. Serpilli, Rutæ, Hyssopi, Anagallid. Fumariæ, Mercurial. Betæ, Pulegii, Origani, Marrub. Chelidon. maj. Gentian. Succus Betæ, Brassicæ, Irid. nostrat. Ciclamin. Cucumer. asin. Mercurial. Cæparum. Ol. Rosmar. Majoran. Euphorb. Piperis.*

Pulv. Majoran. Semin. Nigellæ. Irid. Illyric. Calament. Ciclamin. Acori. Flor. Lil. Convall. Saponar. Nicotian. Pyrethri. Euphorb. Zinziber. Castorei, Macropiper. Hellebori albi.

XXXVI. 3. *Apophlegmatismi*, qui ex sequentibus componuntur: ut sunt: *Rad. Pyreth. Cort. rad. Cappar. Hyssopus, Majorana, Betonica, Ruta, Zinziber. Sem. Staphisagriæ, Sinapios, Nigellæ. Cubebæ, Macropiper, Macis, Nux Moschata. Mastiche. Vva Passa. Quibus si decoquantur additur Mel Rosatum Colatum; Mel Anthosatum.*

XXXVII. *Insensibilibiter materiam vacuant*, discutiunt, & absument: Intemperiem insuper corrigunt, & nervos corroborant ex compositis internis sequentia.

Aqua Ceras, nigr. Sylvest. Lavand. fl. Pœon. Lilior. Convall. fl. Tiliæ, Salviæ, Majoran. Rosmarini cum vino facta, Levcoi lutei, Cinamomi: Mirabil: Langij, Salviæ compos. Elyx. Vitæ Matth.

Spir. Ceras, nigrorum.

Essentia Castorei cum Spir. Vini parata.

Ol. Anisi, Linguae guttatim inspersum.

Conserva Primul. Veris, Betonic. Lavand. Chamepyt. Anthos, Salviæ, fl. Pœon. Lil. convall.

Theriaca Andromachi, Mitridat. Damocrat. Diacastoreum Myrepsi.

Acorum Cond. rad. helen. cond. N. M. cond.
Extract. Galang. Calam. aromat. baccar. Juniper.
Spec. Diamb. Diamosch. dulc. Dianth. Diaplr. Dia-
cubeb.

Sal Penlarum, Corallorum, Succini.

Ex qua materia varia concinnari possunt formulæ, ni-
mirum Tabulæ, Rotulæ, Trochisci, sublingual. Conservæ, Con-
ditæ, Electuaria, Aquæ compositæ, &c.

EXTRINSECUS Vertici & Nuchæ inungi poterunt
Balsam. Apoplectic. succini, Rosmar. Salv. Lavendulæ, Rutæ.

XXXVIII. *Quod si Loquela aboleatur vel imminuatur*
a causa quapiam externa, Ictu videlicet, Casu aut Lapfu' ab alto.
I. Humorū affluxus est prohibendus, per Venæ sectionem, Re-
media Revulsoria supra proposita, & Medicamenta Repellentia.
II. Materia, quæ extra vasa fuit lapsa discutienda.

XXXIX. *In Repellentium verò usu notandum, I. ne illa*
actu frigida admoveantur. II. Ne sint adstringentia, poros enim
obstruunt, & transpirationem impediunt. III. Ante applicati-
onem capilli prius abradantur.

XL. *Eorum Materia ex simplicibus sunt:*
Lactuca, Viola, Nymphæa, Lenticula palustris, Alsine,
Sempervivum, Lenticula palustr. Solanum, Papaver album:
Rosa, Violæ.

Sem. Psyllij, Papaver albi.

Tragacanta. Ovi Albumen.

Farina Hordei, Fabarum.

Ex Compositis:

Aqua Lactucæ, Solani, Violarum, Lenticulæ palustr.
Sempervivi, flor. Sambuc. Omnium flor. spermatis ranar. Roris
majal. Cucurbitar. Cucumer. Melonum.

Ol. Ranar. Populneum, Violarum Sambucinum, Nym-
pheæ.

Vnguent. alb. cum & sine Camphorâ, Refrigerans Ga-
len, Populn. Violat. de Glycyrrhyza.

Mucilago Sem. Psyllij, Sem. Cydoniorum.

Ex quorum præsidiorum materia parari queunt Fron-
talia, Epithemata, Pulticulæ, Cataplasmata, &c.

XLI. *Discutientium Materia Interna*, jam proposita fuit
thes. 37.

XLII. Quæ extrinsecus applicantur, componuntur ex
sequentibus.

Betonica, Salvia, Rosmarin. Majoran. Origan. Hyssop.
Ruta, Marrub. Absynth.

Fl. Chamemeli, Meliloti.

Farin. Sem. Lini, Sem. fœnogr.

Melle, *Pinguedine* Anser. Vulpin. Adipe Gallinaceo.

Ol. Rutæ, Laurin. Chamemelin. Keyrino, Anethino.

Unguent. Aregon. Martiat. Agripp.

Cerat. de *Betonica*.

XLIII. *Restat* ut paucula quædam de Ligaturâ Linguae
adjiciam.

XLIV. Oritur illa vel statim à primo ortu, vel demum
post ortum ob ulcus, aut Cicatricem.

XLV. *Putant quidam* prius vitium omnibus, aut saltem
plerisque commune esse; Unde videmus Obstetrices ad illud
solvendum, vel acutum unguem, vel forficem in promptu habe-
re. Falluntur tamen, quando quidem ipsa natura non perpetuò
aberret, aliquando tamen id ipsum evenire *avroflia* monstrat.

XLVI. *Remedium* utriusque est Incisio, quam Aetius te-
trab. 2. serm. 3. c. 36. alique docent: nervosum nimirum i-
stud vinculum transversum secatur, vel quicquid durum est, ut
si Cicatrix in causa est, vi ferri absumitur, animadversione adhi-
bitâ, ne simul etiam vicinæ partes lædantur.

XLVII. *Cautio* quoque adhibenda ne nimis profundè in-
cidatur, quanta enim pericula exinde consequantur, exemplo
probat Fabritius Hildan. Cent. 3. observ. 23.

XLVIII. *Monet idem* ibidem ut Ligamentum istud in
duobus vel tribus incidatur locis: hac enim ratione fieri, ut dif-
ficilius coalescat.

XLIX. *Post operationem* Oxycratum seu Posca, Syrup. de
Ros. siccis, Mel. Rosatum Colat. & aquæ Vulnerariæ, ut sunt

Aq. Saniculæ, Alchimill. Verbenæ, Pilosellæ, Equiset. Pru-
nell. Consolid. maj. Anagallid. fol. quercûs, Millefolii, &c. ad-
hibentur.

L. Atque

L. Atque hæc de propositâ materiâ dicta sufficiant, *Tibi* Æterne Deus, pro his atque aliis tuis muneribus, quæ e largissimâ manu tua accepi, Sit Laus, Honor, & Gratiarum actio, in secula.

COROLLARIA.

1. Venter sanguine non Chylo nutritur.
2. Hepar est Principium Venarum *ῥιζώσεσθαι*.
3. De Spiritu naturali quamvis Galenus dubitarit; est tamen ille summè necessarius.
4. Aqua simplex non est Nutrimentum.
5. Causa continens & Conjuncta æquipollent, non item Conjuncta & Proxima.
6. Color Corneæ tunicæ p.n. visionem lædens, est Morbus.
7. Curatio fit per contraria.
8. Ineptè faciunt, qui Purgantia Cibis in Prandio vel Cœna admiscunt.
9. In sanguinis missione venarum delectus est habendus.
10. Causa dierum Criticorum Principalis non est Luna.
11. Datur Apoplexia, quæ à denegato Influxu Spiritûs vitalis in cerebrum oritur.
12. Epilepsia Affectus est Chronicus.
13. Dolor dentium *ῥευματισμός* pro specie Arthritidis citra absurditatem haberi potest.
14. Non omnis febris putrida fit à putredine humorum.
15. In dysenteriâ licitum est Purgantia offerre.
16. Si Fernelius per arenosam Renum Constitutionem eorum Intemperiem Calidam, densitatem, angustiam

gustiam, & facultatis expultricis imbecillitatem
intelligit, potissimam Renum Calculi ponit cau-
sam efficientem,

17. Aqua Articulorum, das Gliedwasser non est eorum
nutrimentum.
18. Portiones Vulnerariæ insignem præstant utilitatem.
19. Vulnere sclopetorum non semper junctam habent
ambustionem.
20. In parando seraceo, præstat ferrum frigidum ignis.

F I N I S.

